



ბიულეტენი №9

კვირის თემა

მუსლიმთა ლოცვის ჩაშლა სამთაწყაროში

03. 06 – 09.06.2013

მონიტორინგი

დედოფლისწყაროს რაიონის სოფელ სამთაწყაროში 7 ივნისს მუსლიმთა ტრადიციული ლოცვის მორიგი ჩაშლის ფაქტი ტენდენციურად და ფაქტების მანიპულირებით გააშუქა ტელეკომპანია მე-9 არხმა, არასულყოფილად გადმოსცა ინციდენტის არსი ტელეკომპანია იმედმა, ხოლო ყველაზე სრულყოფილად პოლიციის მხრიდან მუსლიმთა სასულიერო პირზე განხორციელებული ზეწოლა რუსთავი 2-მა და საზოგადოებრივმა მაუწყებელმა გააშუქეს. გაზეთმა **გაგრძელება გვ. 2**



Netgazeti-ს ფოტო

ბიულეტენის მომზადება შესაძლებელი გახდა ამერიკელი ხალხის გულუხვი დახმარების წყალობით, რომელიც აშშ-ის საერთაშორისო განვითარების სააგენტოს **USAID** მეშვეობით იქნა გაწეული. ბიულეტენის შინაარსზე პასუხისმგებელია **MDF** და ის შესაძლოა, არ ასახავდეს **USAID**-ის და აშშ-ის მთავრობის შეხედულებებს.

მთავარი მიგნებები

3 – 9 ივნისის პერიოდში შემდეგი ტენდენციები გამოიკვეთა:

- კვირის მთავარი თემა სოფელ სამთაწყაროში პარასკევის ტრადიციული ლოცვის ჩაშლა იყო. სამთაწყაროს ინციდენტი, როცა ლოცვის დროს მუსლიმთა სასულიერო პირი პოლიციას რამდენიმე საათით ჰყავდა წაყვანილი, ყველაზე სრულყოფილად რუსთავი 2-მა და საზოგადოებრივმა მაუწყებელმა გააშუქეს. მე-9 არხის მხრიდან ადგილი ჰქონდა როგორც ფაქტების, ასევე ვიდეო კადრების და სინქრონის მანიპულირებ-

- ას; ხოლო იმედის მხრიდან – მცდელობას, სასულიერო პირის რამდენიმე საათით გაუჩინარება პოლიციის ნაცვლად, “უცნობი პირებისთვის” მიეწერა;
 - საკუთრებითი დავა ნორაშენის ეკლესიის გამო, საქართველოს სამოციქულო ავტოკეფალურ მართლმადიდებელ ეკლესიასა და სომეხთა სამოციქულო მართლმადიდებელ წმიდა ეკლესიის საქართველოს ეპარქიას შორის დაბალანსებულად გააშუქა საზოგადოებრივმა მაუწყებელმა; გაზეთმა “რეზონანსმა” მართალია, ორივე მხარის პოზიცი-
- გაგრძელება გვ. 2**

მთავარი თემები

მუსლიმთა ლოცვის ჩაშლა სამთაწყაროში	1-4
რელიგიური თემატიკა	4
სიძულვილის ენა	6
სექსუალური უმცირესობები	7



USAID
ამერიკელი ხალხისგან



OPEN SOCIETY GEORGIA FOUNDATION
ფონდი ღია საზოგადოება საქართველო

მუსლიმთა ლოცვის ჩაშლა სამთაწყაროში

“რეზონანსმა” კი სააგენტო “ინტერპრესნიუსის” ინფორმაცია გამოაქვეყნა, სადაც ქრონოლოგიური სიზუსტით არის აღწერილი მუსლიმთა სასულიერო ლიდერის სულიკო ხოზრევანიძის პოლიციის მიერ ტრადიციული ლოცვის დროს წაყვანისა და რიტუალის ჩაშლის ამბავი.

მე-9 არხი, ახალი 9-ზე, 7 ივნისი

საინფორმაციოს წამყვანმა თამარ



მეხსნე არხი
ეცადე დაინახო მეტი

სანიკიძემ სამთა-

წყაროში მუსლიმთა ლოცვის ჩაშლის მიზეზად არა ლოცვისთვის განსაზღვრულ დროს, პოლიციელთა მიერ მუსლიმთა წინამძღვრის რამდენიმე საათით წაყვანა დაასახელა, როგორც ეს სხვა საინფორმაციო საშუალებებმა გადმოსცეს, არამედ ის გარემოება, რომ მრევლი არ შეიკრიბა, ხოლო სასულიერო პირი შეუძლოდ გახდა. პოლიციის მიერ სასულიერო პირის რამდენიმე საათით წაყვანა მხოლოდ საქართველოს დემოკრატიული ინიციატივის წარმომადგენლის გიორგი მშვენიერაძის კომენტარშია აღნიშნული და არა ჟურნალისტის მიერ. საინფორმაციოს წამყვანმა სიუჟეტის შესავალში ასევე ხაზი გაუსვა იმ ფაქტს, რომ სამთაწყარო საზღვრისპირა სოფელია, რაც გარკვეულწილად ვითარების დრამატიზებას ისახავდა მიზნად, ისევე როგორც ჟურნალისტის შეფასება კონფლიქტის ხელოვნურად პროვოცირების შესახებ.

თამა სანიკიძე, წამყვანი: “პარალელურად კეთდება განცხადებები კონფლიქტის ხელოვნურად პროვოცირების შესახებ.”

სიუჟეტში კი ჟურნალისტი ფაქტების არასწორ ინტერპრეტაციას ახდენს, თითქოს ლოცვის ჩაშლის მიზეზი თავად სასულიერო პირის მიერ რიტუალის ჩატარებაზე უარის თქმა იყო და კონტექსტიდან ამოგლეჯილად მოჰყავს მისი სიტყვები, რომელშიც ის უბრალოდ ვითარებას აღწერს. ჟურნალისტის ვერსიით, სამლოცველოში რიტუალის ჩატარების წინააღმდეგ თავად ადილობრივი აჭარელი მუსლიმები გამოდიან, რის საილუ-

სტრაციოდ მხოლოდ ორი რესპონდენტის სინქრონია მოყვანილი, რაც ყველა ადგილობრივ მუსლიმზე მსგავსი განზოგადების გაკეთების საფუძველს არ იძლევა.

სიუჟეტში ფაქტების და კადრების აშკარა მანიპულირებას, ცრუ ინფორმაციის გავრცელებას აქვს ადგილი. მედია საშუალება ავითარებს აზრს, რომ ხოზრევანიძე შეუძლოდ უცნობის სატელეფონო მუქარის შედეგად შეიქმნა და იმ სიტყვებს მიაწერს მას, რაც თავად ხოზრევანიძის მხრიდან არ გაჟღერებულა.

ჟურნალისტი: “მუსლიმთა სულიერი ლიდერი შეუძლოდ უცხო ადამიანის სატელეფონო ზარის შემდეგ გახდა. მისი მტკიცებით, უცნობი აიძულებდა, ტელეფონი არ გაეთიშა და მეჩეთში სალოცავად შესულიყო. სულიკო ხოზრევანიძემ სატელეფონო მუქარის მიუხედავად, ლოცვის ჩატარებაზე უარი თქვა.”

საზოგადოებრივი მაუწყებლის და რუსთავი 2-ის სიუჟეტიდან ჩანს, ქრონოლოგიურად როგორ განვითარდა მოვლენები: სამართალდამცველებმა სასულიერო პირი სამლოცველოსთან 2 სთ-ზე დააბრუნეს, რის შემდეგაც მან პრესისთვის კომენტარი გააკეთა, ხოლო მოგვიანებით შეუძლოდ შეიქმნა; მე-9 არხის ვერსიაში კი ნაჩვენებია სატელეფონო საუბარი, რაც ჟურნალისტის მიერ მოწოდებულია, როგორც უცნობის სატელეფონო მუქარა, რასაც მოსდევს ცუდად გახდომის ამსახველი ვიზუალი, როცა ხოზრევანიძეს ავტომანქანაში დამამშვიდებელს აწოდებენ და შემდეგ კადრების მანიპულირების შედეგად, დამონტაჟებულია ის საწყისი ეპიზოდი, როდესაც სასულიერო პირი პოლიციამ სამლოცველოსთან მიიყვანა და მან ჟურნალისტებთან კომენტარი შეხვედრის შინაარსზე გააკეთა. შედეგად კომენტარი, რომელიც სამართალდამცავებთან სულიკო ხოზრევანიძის საუბარს შეეხება, მიეწერება უცნობ პირს, რომელმაც ჟურნალისტის ცრუ ინტერპრეტაციით, მასზე მუქარა განახორციელა. ცალკე საკითხია, რამდენად შეიძლება ჩაითვალოს ხოზრევანიძის მიერ სამართალდამცავების

მუსლიმთა ლოცვის ჩაშლა სამთაწყაროში

შესახებ ნათქვამი სიტყვები (“შეასრულე ლოცვა, თქვენი უფლებები დაცულია, არავინ არაფერს გეტყვისო”) მუქარად.

სიუჟეტში არ არის წარმოდგენილი პოლიციის პოზიცია სამართალდამცავთა მიერ სასულიერო პირის წაყვანასთან დაკავშირებით, რასაც მართალია ჟუნალისტმა ნიველირება გაუკეთა, მაგრამ არასამთავრობო ორგანიზაციის წარმომადგენლის კომენტარში იყო აღნიშნული. ამასთანავე პოლიცია, რომელიც სხვა არხებზე გასული სიუჟეტების თანახმად, ასევე გიორგი მშვენიერაძის კომენტარის მიხედვით, თავად მიიჩნევა ლოცვის ხელშეშმულად, ადგილობრივ ხელისუფლებასთან ერთად წარმოდგენილია, როგორც ორ დაპირისპირებულ მხარეს შორის ვითარების დამრეგულირებელი (“მოლაპარაკებებს პოლიცია და ადგილობრივი ხელისუფლების წარმომადგენლები აწარმოებდნენ”).

მე-9 არხმა დაარღვია როგორც **მაუწყებელთა ქვევის კოდექსის** მე-12 და მე-13 მუხლები (სანდოობა და სიზუსტე), ასევე მე-16 (4) მუხლი, რომლის თანახმად, “**მაუწყებელი ვალდებულია ერთმანეთისაგან მკაფიოდ გამიჯნოს ფაქტი და კომენტარი. თავიდან უნდა იყოს აცილებული მოსაზრებათა ცალმხრივი ინტერპრეტაცია.**” ამასთანავე დარღვეულია მე-18 (2) მუხლი, რომელიც სიუჟეტს მიკერძოებულად მიიჩნევს, “თუ ის არ მოიცავს ამომწურავ ინფორმაციას მნიშვნელოვანი ფაქტების შესახებ, აგებულია უმნიშვნელო ფაქტებზე, შეგნებულად ან გაუცნობიერებლად შეჰყავს აუდიტორია შეცდომაში, შენიღბული სახით გამოხატავს მიკერძოებული პირის მოსაზრებებს”.

http://www.myvideo.ge/?video_id=2061561



სულიკო ხოზრევანიძე,
მუსლიმთა წინამძღვარი



იმედი, ქრონიკა, 7 ივნისი

მე-9 არხისგან განსხვავებით, “ქრონიკის” წამყვანი ნუცა კოპალიანი ლოცვის ჩაშლის მიზეზად მუსლიმთა წინამძღვრის გაუჩინარებას ასახელებს, თუმცა საზოგადოებრივი მაუწყებლისგან და რუსთავი 2-ისგან განსხვავებით, არ უთითებს, რომ იგი სამართალდამცავებს ჰყავდათ წაყვანილი, რასაც კომენტარში თავად სულიკო ხოზრევანიძეც აღნიშნავს (“მილიციის სამინისტროდან”). წამყვანის სიტყვები - “ლოცვამდე მუსლიმთა წინამძღვარი რამდენიმე საათით გაუჩინარდა... მოგვიანებით უცნობმა პირებმა იმ ადგილზე მიიყვანეს, სადაც ლოცვა უნდა ჩატარებულიყო” - მედია საშუალების მხრიდან აშკარა მცდელობაა, ინციდენტი “უცნობ პირებს” დაბრალდეთ.

სიუჟეტში არ არის სამართალდამცავთა კომენტარი, მიუხედავად იმისა, რომ არასამთავრობო ორგანიზაციის წარმომადგენლის მხრიდან გამოთქმულია ეჭვი, რომ ლოცვის ჩაშლა სამართალდამცველების მხრიდან ხოზრევანიძის მიმართ აქტივობას ან სოფლის მცხოვრებთა მიმართ შიშს უკავშირდებოდა.

იმედის შემთხვევაშიც დარღვეულია **მაუწყებელთა ქვევის კოდექსის** მე-12 და მე-13 მუხლები (სანდოობა და სიზუსტე) და მე-18 (2) მუხლი (მიუკერძოებლობა).

http://www.myvideo.ge/?video_id=2062058

რუსთავი 2, კურიერი, 7 ივნისი

“კურიერმა” აქცენტი პოლიციის მიერ მუსლიმთა წინამძღვრის სულიკო ხოზრევანიძის



გაგრძელება გვ. 4

მუსლიმთა ლოცვის ჩაშლა სამთაყვაროში

გაგრძელება. დასაწყისი გვ.1-3

პოლიციის მიერ ლოცვის ჩატარების დროს წაყვანაზე გააკეთა და ქრონოლოგიურად ასახა ინციდენტი. სიუჟეტში მოცემულია საქართველოს დემოკრატიული ინიციატივის წარმომადგენლის გიორგი მშვენერაძის კომენტარი, რომელიც საექვოდ მიიჩნევს პოლიციის თანამშრომლების მიერ სულიკო ხოზრევანიძის საათნახევრით წაყვანას და იმ ფაქტს, რომ ამის შემდეგ ეს პიროვნება საკუთარ სალონავში შესვლას ვერ ბედავს. ჟურნალისტმა ინციდენტზე კომენტარისთვის დედოფლისწყაროს პოლიციის უფროსს გიორგი ბუბუნაურსაც მიმართა, რომელიც უარყოფს მის ინფორმირებულობას აღნიშნულ ინციდენტთან დაკავშირებით.

http://www.myvideo.ge/?video_id=2061703

ღარიბი,
მომხმე,
7 ივნისი



კურიერის მსგავსად, “მომხმე” ინციდენტის გამომწვევი მიზეზი - სამართალდამცავების მიერ სასულიერო პირის ლოცვის დროს სახლიდან გაყვანა სრულყოფილად გადმოსცა და დედოფლისწყაროს პოლიციის უფროსისა და დემოკრატიული ინიციატივის დამკვირვებლის კომენტარი გადმოსცა.

http://www.myvideo.ge/?video_id=2061464

რელიგიური თემატიკა

ნორაშენის ეკლესიის საკუთრების საკითხი

დავა თბილისში მდებარე ნორაშენის ეკლესიის საკითხზე, რომელიც საქართველოს სამოციქულო ავტოკეფალურ მართლმადიდებელ ეკლესიას და სომეხთა სამოციქულო მართლმადიდებელ წმიდა ეკლესიის საქართველოს ეპარქიას შორის საკუთრებასთან დაკავშირებით მიმდინარეობს, საზოგადოებრივმა მაუწყებელმა და გაზეთმა “რეზონანსმა” გააშუქეს.

საზოგადოებრივი მაუწყებელი, მოამბე, 3 ივნისი

საზოგადოებრივმა მაუწყებელმა თემა ნორაშენის ტაძრის სარესტავრაციო სამუშაოების დაწყების კუთხით გააშუქა. ამავე დროს სიუჟეტში განვრცობილი იყო ორ ეკლესიას შორის საკულტო ნაგებობის საკუთრებასთან დაკავშირებული საკითხი, რომელიც ორმხრივი კომისიის ფორმატში უნდა გაირკვეს. სიუჟეტში აღნიშნულია ისიც, რომ ნორაშენის გარდა, თბილისში ორ კონფესიას შორის კიდევ 5 საკულტო ნაგებობაა სადავო.

სიუჟეტი დაბალანსებული იყო, რადგან წარმოდგენილი იყო ორივე მხარის პოზიციები. დისკრიმინაციული იყო თავად ერთ-ერთი რესპონდენტის, საპატრიარქოს წარმომადგენლის, თეა გოგოტიშვილის პოზიცია, რომ კომისიის მუშაობის შედეგად უნდა გაირკვეს, “რომელი ტაძარი წარმოადგენს რომელი მხარის, ქვეყნის კუთვნილებას”, რადგან რესპონდენტი დავას ორ ქვეყანას - სომხეთსა და საქართველოს შორის სადისკუსიოდ განიხილავს, როდესაც საკულტო ნაგებობაზე პრეტენზია საქართველოში მცხოვრებ იმ მოქალაქეთა ნაწილს აქვს, ვინც სომეხთა სამოციქულო ეკლესიის მრევლს წარმოადგენს. ქვეყნის მოქალაქეთა მიმართ მსგავსი მიდგომა, მათი განსხვავებული რელიგიური თუ ეთნიკური კუთვნილების გამო, საკუთარ სახელმწიფოსთან გაუცხოვებას უწყობს ხელს.

http://www.myvideo.ge/?video_id=2056619

რეზონანსი, 3 ივნისი

საზოგადოებრივი მაუწყებლის მსგავსად, გაზეთი საკითხს ეკლესიის რესტავრაციის კონტექსტში განიხილავს და ფართოდ წარმოადგენს ორივე მხარის პრეტენზიებს საკუთრებასთან დაკავშირებით. მართალია, ფორმალურად ბალანსი დაცულია (ლევონ ისახანიანი - საქართველოში სომეხთა ეპარქიის წინამძღვრის მრჩეველი და

რელიგიური თემატიკა

საპატრიარქოს მხრიდან მიქაელ ბოტკოველი), მაგრამ ჟურნალისტი თათია ჩაფიძე უბრალოდ დიქტაფონის სიზუსტით გადმოსცემს ორივე მხარის პოზიციას და არ ცდილობს მკითხველი გაარკვიოს არგუმენტებისა და ფაქტების სიზუსტეში, გადაამოწმოს გარკვეული ინფორმაცია, რომელსაც ორივე მხარე ავრცელებს და რისი გარკვევაც კომისიის მუშაობის დასრულებამდეც არის შესაძლებელი. მაგალითად, ნორაშენის ეკლესიასთან დაკავშირებით გამოთქმულ პრეტენზიებზე საპატრიარქოს წარმომადგენელი აცხადებს, რომ სომხებს 600 ეკლესიაზე აქვთ პრეტენზია, რისი ოფიციალურად გადამოწმებაც ჟურნალისტს მეორე მხარესთან შეეძლო. ინფორმაცია თბილისში სადავო კიდეც 5 ტაძრის შესახებ საზოგადოებრივ მაუწყებელს ბეგრანდის სახით სიუჟეტში ჰქონდა აღნიშნული. არასწორი ინფორმაციის საფუძველზე კი, მიქაელ ბოტკოველი არასწორ განზოგადებას და სტერეოტიპიზაციას ახდენს.



ნორაშენის ეკლესია, თბილისი

მიქაელ ბოტკოველი, საპატრიარქო: “სომხების თქმით, მათ საქართველოში 600 ტაძარი აქვთ, ეს ხომ არასერიოზულია. მაშინ საქართველო კი არა, სომხეთი ყოფილა. იმდენ არასერიოზულ განცხადებას აკეთებენ, რომ როცა სიმართლეს ამბობენ, უკვე ამაშიც ეჭვი გვეპარება.”

ბუნებრივია, ასეთ ვითარებაში ჟურნალისტის ფუნქცია არ არის მხოლოდ ერთი მხარის ნათქვამი მეორეზე (hearsay) გადმოსცეს, არამედ მიაწოდოს ინფორმაცია მკითხველს სადავო საკულტო ნაგებობის ზუსტი რაოდენობის შესახებ, რაც მეტ სიცხადეს შეიტანდა საკითხში.

ამასთანავე მხარეების მიერ გაცხადებულ ინფორმაციაში სხვა ფაქტობრივი უზუსტობებიც იკვეთება: ლევონ ისახანიანი ეკლესიის აგების პერიოდად მე-15 საუკუნეს ასახელებს, მიქაელ ბოტკოველი მას მე-17-18 საუკუნეში ქართული ეკლესიების “გასომხებას” მიაწერს. ჟურნალისტს შეეძლო დამოუკიდებელ ექსპერტთან გაერკვია, რა წარმომავლობის არქიტექტურასთან გვაქვს საქმე, ასევე ისტორიკოსთან და ხელოვნებათმცოდნესთან გადაემოწმებინა ინფორმაცია საფლავის ქვებზე და ფრესკებზე წარწერების წაშლის შესახებ და მათი ინფორმაციის საფუძველზე, დაესვა საპატრიარქოს წარმომადგენლისთვის შეკითხვა აღნიშნულთან დაკავშირებით.

http://resonancedaily.com/index.php?id_rub=7&id_artc=15829

დისკრიმინაციული მიდგომა

ობიექტივი, ღამის სტუდია, 7ივნისი

პატრიოტთა ალიანსის ლიდერი დავით თარხან-მოურავი კვლავ ავითარებს აზრს, რომ ბათუმში მეჩეთის მშენებლობა მათმა ორგანიზაციამ 60 000 ადამიანის გამოკითხვის შედეგად შეაჩერა და ეს საკითხი პრემიერ-მინისტრმა დღის წესრიგიდან სწორედ მისი ეთნიკური ქართველობის გამო მოხსნა: “პრემიერი ქართველი კაცია და სადაც საქართველოა, იქ დგას”. იკვეთება დისკრიმინაციული მიდგომა, რომ უმცირესობების უფლებების რეალიზაცია უმრავლესობის ნების შესაბამისად, ეთნიკურად ქართველების მიერ უნდა გადაწყდეს.

<http://obiektivi.net/tv1.php?id=12295>



მიქაელ ბოტკოველი, საპატრიარქო: “სომხების თქმით, მათ საქართველოში 600 ტაძარი აქვთ, ეს ხომ არასერიოზულია. მაშინ საქართველო კი არა, სომხეთი ყოფილა. იმდენ არასერიოზულ განცხადებას აკეთებენ, რომ როცა სიმართლეს ამბობენ, უკვე ამაშიც ეჭვი გვეპარება.”

სიძულვილის ენა

სიძულვილის ენას აღნიშნულ პერიოდშიც სექსუალურ უმცირესობათა და მათ უფლებადამცველთა, ასევე ნაციონალური მოძრაობის წარმომადგენელთა მიმართ ჰქონდა ადგილი.

უნდა აღინიშნოს, რომ გაზეთმა “კვირის პალიტრამ” ყოველგვარი სარედაქციო კომენტარის გარეშე მოახდინა მომღერალ თამარ ივერის მიერ მის ფეისბუქის გვერდზე გამოქვეყნებული მიმართვის ტირაჟირება, რომელიც სიძულვილის ენას შეიცავდა და არასრულყოფილად ასახა განცხადების გამოქვეყნების შემდეგ განვითარებული მოვლენები, როცა მომღერალმა ორგანიზაცია “იდენტობას” მისი გამონათქვამების გამო, ბოდიში მოუხადა.

კვირის პალიტრა, 3-9 ივნისი

გაზეთმა კვირის პალიტრამ სრულად და ყოველგვარი სარედაქციო კომენტარის გარეშე გამოქვეყნა ევროპის წამყვან საოპერო თეატრებში მოღვაწე მომღერლის, თამარ ივერის მიერ სოციალურ ქსელში გამოქვეყნებული მიმართვა საქართველოს პრეზიდენტისადმი (იხ. ბიულეტენი #3, გვ. 14), რომელიც 17 მაისის აქციის დაშლის კონტექსტში სექსუალურ უმცირესობათა მიმართ სიძულვილის ენას და ანტიდასავლურ შეფასებებს შეიცავს. მასალის სათაურად შერჩეული ივერის სიტყვები “*ზატონო ელჩო [ამერიკის ელჩი საქართველოში], მთელ ერს ამ გზით ნატოში მისაღებად ვერ წაგ...ზავთ!*” გაზეთის სარედაქციო პოზიციას ასახავს. აღსანიშნავია, რომ რედაქცია მომღერლის ამგვარ შეფასებებს პრობლემად კი არ წარმოაჩენს, ან ბოდიშს იხდის მასში გამოთქმული ჰომოფობიური და სიძულვილის ენის გამო, როგორც ეს ინტერნეტპორტალმა “ნეტგაზეთმა”, 17 მაისის მოვლენებთან დაკავშირებით, საპარლამენტო უმრავლესობის ლიდერის დავით საგანელიძის ანალოგიური გამოთქმების გამო გააკეთა და გამოქვეყნების ფაქტი საჯარო პირის შეხედულებებისადმი საზოგადოებრივი ინტერესით გაამართლა, არამედ უაპელაციოდ ტირაჟირებს ამგვარ გამოხატვას.

ერთადერთი ღირებული ინფორმაცია მასალის ბოლოშია მინაწერის სახით წარმოდგენილი, სადაც აღნიშნულია, რომ ამ მიმართვის გამოქვეყნების შემდეგ პარიზის ნაციონალური ოპერის ოფიციალურ ვებ-გვერდზე გავრცელდა ინფორმაცია 1 ივნისის დაგეგმილი თამარ ივერის კონცერტის გაუქმების შესახებ, რის ოფიციალურ მიზეზად მომღერლის ავადმყოფობაა დასახელებული. ჟურნალისტი ამასთანავე აღნიშნავს, რომ გავრცელებული მოსაზრების თანახმად, სწორედ არასამთავრობო ორგანიზაცია “იდენტობის” მიერ წერილის თარგმნა და საფრანგეთში პარტნიორ ორგანიზაციებთან გადაგზავნა გახდა კონცერტის ჩაშლის რეალური მიზეზი. ჟურნალისტი ქეთი საგინაშვილი მინაწერში უთითებს, რომ ისინი ფაქტის დასაზუსტ

ებლად თავად თამარ ივერთან დაკავშირ-



ებას შეეცადნენ, თუმცა უშედეგოდ. აღსანიშნავია ისიც, რომ ამ თემაზე რედაქციას “იდენტობისთვის” არ მიუმართავს და მასალაში არც ის ინფორმაცია ასახულა, რომელიც ორგანიზაციამ თავის ვებ-გვერდზე გაავრცელა და სადაც აღნიშნულია, რომ 1 ივნისის მათ ელექტრონულ მისამართზე თამარ ივერის ბოდიშის წერილი მიიღეს.

<http://www.kviripalitra.ge/public/17399-qbatono-elcho-mthel-ers-am-gzith-natoshi-misaghebad-ver-tsakzavthq.html>

ასავალ-დასავალი, 3-9 ივნისი

თამაზ თამაზაშვილი, პოლიციის გენერალი:

“საერთოდ, ნაციონალები ადამიანები არ არიან. ესენი არიან სატანის მოციქულთა ხროვა. ამათ შინაგანი ინტელექტი, ანუ ღვთის მადლი არ გააჩნიათ.”

ასავალ-დასავალი, 3-9 ივნისი

რეზო ამაშუკელი, პოეტი: *“შინდოდა იმ გრანტებზე და ფულზეგავეშებული უგვანოდ ამბუზებული „სამართალდამცველი“ დედაკაცები საქვეყნოდ კედელზე გამკვრა, რომლებიც მალე თავიანთ მშობლებსაც საქვეყნოდ დააცხრებინ, ოღონდ თავის ლიბერასტ ღირიქორებს ასიამოვნონ...”*

ხოლო იმ დედაკაცებს და ვაჟბატონებს მერე მივხედავ და ნათლად დავანახებ იმ „სიძულვილის ენას“, რომელიც თვითონ დათესეს, მაგ მშობლის საფლავებზე მდოვკის მთესველებმა, სატანის უკანალზე დახატულმა მახინჯებმა და მერე ადგნენ მიჩივლონ თავიანთ აყროლებულ პატრონებთან და ვნახოთ, საით დადგება საქართველო - შარვალაჩხდილ უსამშობლო მანქურთებთან თუ მამულის, ოჯახის, დედა-კვლეისი და ერის გადარჩენის მხარეზე!”

<http://www.asavali.ge/archive/asdas/2013/972/972.pdf>

ბიულეტენი №9



თამაზ თამაზაშვილი, პოლიციის გენერალი: *“საერთოდ, ნაციონალები ადამიანები არ არიან. ესენი არიან სატანის მოციქულთა ხროვა. ამათ შინაგანი ინტელექტი, ანუ ღვთის მადლი არ გააჩნიათ.”*

რასისტული გამოხატვა

ალია, 6 ივნისი

ხათუნა ბოკუჩავა, მსახიობი: “მოისპოს ზანგების, ჩინელების, არაბების ინდოელ-ბისთვის მიწების ჩუქება. მოგვცენ უფლება, რომ სადაც ჩვენმა მამა-პაპამ სისხლი დაღვარა, ქართველ ერს დღემდე რომ მოეტანა თავი, კვლავ ჩვენ ვიცხოვროთ... თავი რომ გადავპაროთ თითოეულ მათგანს [ყოფილი ხელისუფლების მომხრეები], დარწმუნებული ვარ 666 ეწერებათ, რადგან ჩვენ, ქრისტიანებს, საკუთარ სამშობლოში ცხოვრება მოგვიშალეს.”

გენდერული სტერეოტიპები

ასავალ-დასავალი, 3-9 ივნისი

თამაზ წიფწივამე, მწერალი: “ახლა, თუ ყველა ქალი ბუტკაში შევა და იქ ქარგვით, ჭრა-კერვით დაკავდებოდა, ხოლო ყველა მამაკაცი ბუტკიდან გამოვა, კავსა და გუთანს მოვიკიდებო - საშველი უსათუოდ იქნება!”

სექსუალური უმცირესობები

ასავალ-დასავალი, 3-9 ივნისი

გოჩა კელენჯერიძე, Amnesty International-ის ესპანეთის სექციის წევრი: “სწორედ სამღვდელოებამ და პოლიციამ აგვაცილა ის სისხლისღვრა, რისთვისაც საზარბაზნე ხორცად ჰყავდათ ჩამოყვანილი 20 სუბიექტი, რომლებიც მსოფლიოს ჯანდაცვის ორგანიზაციის მიერ 1990 წლამდე ავადმყოფებად მიიჩნეოდნენ. ამ საკითხში სრულიად ვეთანხმები ჩვენი ძმების, ებრაელი ხალხის დამოკიდებულებას. მათ მიწაზე ამგვარი ადამაღმების გამართვა კი არა, შაკირაც ვერ იმღერებს. ამ საშინელების ორგანიზატორები ცდილობენ ქართველობას ევროპა და დასავალური ცივილიზაცია შეადულონ”.

ასავალ-დასავალი, 3-9 ივნისი

სტატია, სათაურით “ლაშა “ფურთხოვიჩი” ბუღაძე”, პასუხია მწერალ ლაშა ბუღაძის მხრიდან სასულიერო პირების მიმართ გამოთქმულ კრიტიკაზე, 17 მაისის ძალადობრივ აქციაზე მათი ქმედებების გამო.

გიორგი გიგაური, ჟურნალისტი: “17 მაისს რუსთაველის გამზირზე განხორციელებული „პედერასტული პროვოკაციის“ შემდეგ, არ დარჩენილა არცერთი ჩვენბური ლიბერალისტი, გრანტიჭამია, რომელსაც ძღვენაჭამი კბილებით არ ეცადა და ჩვენი დედა-ეკლესიისთვის და მისი საჭეთმპყრობლისთვის კბენა, აქაოდა, ქართული ეკლესია სახელმწიფოებრიობის მტრად მოგვევლინაო!..

ლაშა, მეგობარო, „პიდარმონი“ თამამად შეგვიძლია „პედარასტის“ ერთგვარ მოფერებით ფორმიდანაც განვიხილოთ და მე თუ მკითხავ, უფრო გიხდება, ვიდრე უბეში და მკვეთრი „პედარასტი“ და „მეტ...აკე!“. მოკლედ, ბევრი რომ აღარ გავაგრძელოთ, ამ დეგენერატ ლაშა ბუღაძეს (მართლაც „კლინიკურ შემთხვევას“) ემშობლიურება პედარასტ პიდარმონები და სძულს ჩვენი დედა ეკლესია, პატრიარქი და ასიათასიანი მრევლი!”

<http://www.asavali.ge/archive/asdas/2013/972/972.pdf>

გაგრძელება გვ. 8

ანტითურქული გამოხატვა

ობიექტივი, ღამის სტუდია, 6 ივნისი

სოსო ზაალიშვილი, წამყვანი: “ეს [ბათუმში მეჩეთის მშენებლობაზე ჩატარებული გამოკითხვის შედეგები] იყო კრახი თურქული ექსპანსიური პოლიტიკის აჭარაში იმიტომ, რომ მუსულმანმა ქართველებმაც, ქრისტიანმა ქართველებმაც და სხვა სარწმუნოების წარმომადგენლებმა გამოთქვეს, არა მეჩეთის მშენებლობის წინააღმდეგ.”

<http://obieqtivi.net/tv1.php?id=12280>

ალია, 7-10 ივნისი

თემურ შაშიაშვილი, თეთრები: “ნახევარი მილიონი ქართველი ცხოვრობს თურქეთში და მონებივით შრომობენ. თურქეთის ხელისუფლებამ საკავშირის დროს კანონმდებლობაც კი შეცვალა ცალმხრივად... ეს არ არის შეურაცხყოფა?! ეს ეკადრება ერდოლანს, რომელიც იძახის ქართველი ვარ?! იცით, თურქები იქ რას ეუბნებიან ქართველებს? თბილისში აღმაშენებლის პროსპექტი ჩვენი. მალე ბათუმიც ჩვენი გახდებაო.”



რეზო ამაშუკელი, პოეტი: “მინდოდა იმ გრანტებზე და ფულზეგავემუბული უგვანოდ ამძუვნეებული „სამართალდამცველი“ დედაკაცები საქვეყნოდ კედელზე გამეკრა, რომლებიც მალე თავიანთ მშობლებსაც საქვეყნოდ დააცხრებიან, ოღონდ თავის ლიბერალსტ დირიჟორებს ასი-ამოვნონ...”

სექსუალური უმცირესობები

ობიექტივი, ღამის სტუდია, 3 ივნისი

დავით თარხან-მოურავი, პატრიოტთა ალიანსი: “კავშირები დარწმუნდა იმაში, რომ ჰომოსექსუალობა არ არის ნორმალური მოვლენა... მე-20 საუკუნის 70-იან წლებამდე ჰომოსექსუალობაში დაავადებად ითვლებოდა. დღესაც ძალიან ბევრი მეცნიერი მიიჩნევს ამას დაავადებად და მე ზუსტად ამ პოზიციაზე ვარ, რომ ეს დაავადებაა. მედიცინამაც სახელიც, კი ჰომოსაპიენს ადამიანი მოაზროვნე, ჰომოსექსუალი ადამიანი სექსუალი ანუ სიტყვა მოაზროვნე ამოიღო”.
<http://obiectivi.net/tv1.php?id=12235>

ობიექტივი, ღამის სტუდია, 6 ივნისი

ალიკ ესკინი, პოლიტიკური მიმომხილველი: “აი, ყველაზე კარგი გეი ადამიანი [17 მაისის აქციის დაშლა] ჩატარდა საქართველოში. მინდა ჩამოგართვათ ხელი და გითხრათ, რომ თქვენ კიდევ ერთხელ დაამტკიცეთ, რომ თქვენ უმცირესი და დიადი ერი ხართ, ამით დაამტკიცეთ, რომ თქვენ ცივილიზირებული ხალხი ხართ, რომ თქვენ ნამდვილად გიყვართ თქვენი ტრადიციები და თქვენ არ მისცემთ უფლებას არანაირ უცხოურ დინებებს, რომ თქვენ გაგხრწან შიგნიდან..”

სოსო ზაალიშვილი, წამყვანი: “დიდი მადლობა, რომ მხარი დაუჭირეთ ქართველ ხალხს თავის პოზიციაში ამ ადამიანის წინააღმდეგ.”
<http://obiectivi.net/tv1.php?id=12280>

“პროპაგანდა”, საჯარო სივრცის შეზღუდვა

რესპონდენტები ავითარებენ აზრს, რომ სექსუალური უმცირესობებს არსებობის უფლება აქვთ, თუმცა მათი გამოხატვის თავისუფლება იგივედგება “პროპაგანდასთან” (სოსო ჯაჭვლიანი, ქართული ოცნება). რესპონდენტთა ნაწილის და ჟურნალისტების (დავით თარხან-მოურავი, პატრიოტთა ალიანსი; სოსო ზაალიშვილი, “ობიექტივი”) აზრით, ჰომოსექსუალობის “პროპაგანდას” საკანონმდებლო დონეზე აკრძალვა სჭირდება, ხოლო სხვათა აზრით, ამ “პრობლემასთან” საბრძოლველად ეკლესიის ჩართვაა საჭირო (ანი მიროტაძე, ქართული ოცნება). განიხილება ასევე სექსუალური უმცირესობების წარმომადგენლებისთვის, გამოხატვის თავისუფლების მხრივ, საჯარო სივრცის შეზღუდვის საკითხი (ანი მიროტაძე, ქართული ოცნება; გელა ნიკოლაიშვილი, ყოფილი პოლიტპატიმრები).

ალია, 3 მაისი

სოსო ჯაჭვლიანი, ქართული ოცნება: “მარტივი ენით დავსვათ კითხვა, შევევუებით ჰომოსექსუალობის პროპაგანდას?.. საბჭოთა კავშირის დროს, როცა ჰომოსექსუალებს აპატიმრებდნენ, ცნობილი კინორეჟისორი, რომლის ვინაობასაც არ დავასახელებ [ჟურნალისტი აკონკრეტებს, რომ მხედველობაშია სერგო ფარაჯანოვი, რომელიც საბჭოთა პერიოდში ჰომოსექსუალობის ბრალდებით გაასამართლეს] საბჭოთა რესპუბლიკის ერთ-ერთ კინოსტუდიაში მოღვაწეობდა... არცერთმა კინოსტუდიამ ის არ მიიღო სამუშაოდ. სხვათა შორის, გარდა იმისა, რომ სექსუალური უმცირესობის წარმომადგენელი იყო, ასევე გახლდათ საქართველოში ეროვნული უმცირესობის წარმომადგენელიც. ქართული კინოს ბერძენი - რეზო ჩხეიძემ ის „ქართულ ფილმში” ჩამოიყვანა და სიცოცხლის ბოლო წუთამდე იღებდა შედეგებს... ასე რომ სექსუალური უმცირესობების წარმომადგენლები იყვნენ და ბევრ სფეროში საქმიანობდნენ, მათ შორის დღესაც, მაგრამ ისინი არც სექსუალური უმცირესობების ადამიანებს აწყობდნენ და არც იმას ითხოვდნენ, გვადიარეთო. ის, რაც 17 მაისს მოხდა, 30 ვერცხლის სუნიტ ყარს.”

ობიექტივი, ღამის სტუდია, 4 ივნისი

ანი მიროტაძე, ქართული ოცნება: “ინსტიტუტი, რომელიც სარგებლობს ყველაზე მაღალი ნდობით [ეკლესია], მის ხელში არის ძალიან ბევრი ბერკეტი, რომ ძალადობის გარეშე ებრძოლოს მსგავსი ტიპის პროპაგანდას. ეს არ არის მხოლოდ საქართველოს პრობლემა... ჩვენ გვყავს ბევრად უფრო მაღალი სულიერების მატარებელი სასულიერო პირები და მე იმედი მაქვს, რომ თუ რაღაც არის შემოპარული, ეკლესია შესძლებს სხვა გზებით ამის დაძლევას.”

ბიულეტენი №9



სოსო ჯაჭვლიანი, ქართული ოცნება: “ასე რომ სექსუალური უმცირესობების წარმომადგენლები იყვნენ და ბევრ სფეროში საქმიანობდნენ, მათ შორის დღესაც, მაგრამ ისინი არც სექსუალური უმცირესობების ადამიანებს აწყობდნენ და არც იმას ითხოვდნენ, გვადიარეთო. ის, რაც 17 მაისს მოხდა, 30 ვერცხლის სუნიტ ყარს.”

სექსუალური უმცირესობები

გადაცემაში საუბარია ასევე სექსუალური უმცირესობებისათვის გამოხატვის თავისუფლების მხრივ საჯარო სივრცის შეზღუდვაზე.

ანი მიროტაძე: “შესაძლოა, ვთქვათ, ამ საკითხებზე [მსჯელობა]... რომ სად შეიძლება იყოს ეს დასაშვები... სწრაფად უნდა ვიფიქროთ საკანონმდებლო რეგულაციებზე, რომ რაღაცის განმეორება არ მოხდეს, რაღაცის პრევენცია მოხდეს.”

<http://obieqtivi.net/tv1.php?id=12251>

ასავალ-დასავალი, 3-9 ივნისი

გელა ნიკოლაიშვილი, ყოფილი პოლიტპატიმრები: “პრობლემის მოგვარება შესაძლებელია, თუ ლგბტ პირებს მხოლოდ გარკვეულ ადგილებში დართავენ თავშესაფარს. ამგვარად ნუდისტებსაც აქვთ პლაჟი, ცალკე გამოყოფილი ადგილი, თუმცა ცენტრალურ პროსპექტებზე შიშვლად სიარულის უფლებას მოკლებულნი არიან, რათა დანარჩენი საზოგადოების უფლებები არ შელახონ.”

ანტიდასავლური განწყობები

ასავალ-დასავალი, 3-9 ივნისი

ვალერი ჩხეიძე, უშიშროების გენერალ-ლეიტენანტი: “რატომ გვახვევენ თავს ამ გეი-აღლუმებს? თუ გეებმა რუსთაველზე არ ჩაიარეს, ნატოში არ მიგიღებთო. არ მიგვიღებ და ნუ მიგვიღებთ! მე პირადად ასეთი ნატო არ მჭირდება... ნატო არის ტერორისტული ორგანიზაცია, რომელიც გაეროს ყველანაირ რეზოლუციას არღვევს, თვითნებურად იღებს გადაწყვეტილებებს.”

ასავალ-დასავალი, 3-9 ივნისი

მოქალაქეთა ჯგუფის მიმართვა პრემიერ-მინისტრს: “ევროპული ღირებულებები კაცების სექსის დაცვა რომ ჰგონიათ - ეს არის უბედურება... აქნით უკანალები ნატოში და ევროკავშირში შესასვლელად, მაგრამ განა ამით იღებენ ქართველებს ამ პატივცემულ ორგანიზაციებში? კარგად ყოფილა იმ ქვეყნების საქმე, რომლებიც უკვე წევრები არიან!.. ვინც ვერ გამოვედით, ისინიც გამოვალთ, თუკი ამდაგვარი პროვოკაციული პედარასტული გამოსვლები კვლავ განმეორდება!.. გაფრთხილდით, უტყვენ ღარიბაშვილს, ამით გიტყვენ თქვენც! გაემიჯნეთ რესპუბლიკელებს და კოჭლაშუბა მოაზროვნეებს!”

ობიექტივი, ღამის სტუდია, 3 ივნისი

დავით თარხან-მოურავი, პატრიოტთა ალიანსი: “ის, რომ მამათმავლობის პროპაგანდა აიკრძალოს, აი, ამისკენ უნდა ვისწრაფვოდეთ ჩვენ. თუ ჩვენ ამას არ ავკრძალავთ, ჩვენ ჩვენს სახელმწიფოს დიდი საშიშროების ქვეშ დავაყენებთ.”

<http://obieqtivi.net/tv1.php?id=12235>

“თუ ქართველი ხალხი იტყვის, რომ ჰომოსექსუალიზმის და საერთოდ, ამ ლგბტ-ია თუ ვინც არის, ამის პროპაგანდა საქართველოში არ გვინდა... ევროპა ხმას ვერ ამოიღებს.”

<http://obieqtivi.net/tv1.php?id=12236>

ობიექტივი, ღამის სტუდია, 6 ივნისი

სოსო ზაალიშვილი, წამყვანი: “მთელი საქართველოს მასშტაბით ჩატარდება გამოკითხვა, რომ საკანონმდებლო დონეზე აიკრძალოს ლგბტ პროპაგანდა.”

<http://obieqtivi.net/tv1.php?id=12280>

ასავალ-დასავალი, 3-9 ივნისი

გიორგი გიგაური, ჟურნალისტი: “ანუ, საქართველოში რომელიღაც პედარასტის უკანა-ლზე ბუზი გაუფრთხილებლად რომ დაჯდეს, შეერთებული შტატების სახელმწიფო დეპარტამენტი თვლების ბრალით თუ ღამის ამერიკის ბირთვული ძალების საბრძოლო მზადყოფნას გამოაცხადებს, მაგრამ როდესაც რუსეთის საოკუპაციო ჯარი ამერიკის სტრატეგიულ პარტნიორად გამოცხადებულ საქართველოში სასაზღვრო ზომებს სააკაშვილის მობილური ტრიბუნასავით დააწოწიალებს, ჩენი მეგობარი ამერიკელები მხოლოდ იმის ცალკვად ამოღებულას თუ ახერხებენ, ჩვენ მხარს ვუჭერთ საქართველოს ტერიტორიულ მთლიანობასო!”

ძალია დიდი ბოდიში, მაგრამ ჩვენს ქვეყანას მაინცდამაინც სახელწოდება უნდა შევუცვალოთ და „საქართველოს ლგბტ-რესპუბლიკა“ დავარქვათ, რომ ამ ე.წ. ცივილიზებულმა დასავლეთმა საერთაშორისო სამართლის ფუძემდებლური ნორმები და პრინციპების არსებობა გაიხსენოს!”

<http://www.asavali.ge/archive/asdas/2013/972/972.pdf>

გაგრძელება გვ. 10



ვალერი ჩხეიძე, უშიშროების გენერალ-ლეიტენანტი: “რატომ გვახვევენ თავს ამ გეი-აღლუმებს? თუ გეებმა რუსთაველზე არ ჩაიარეს, ნატოში არ მიგიღებთო. არ მიგვიღებთ და ნუ მიგვიღებთ! მე პირადად ასეთი ნატო არ მჭირდება... ნატო არის ტერორისტული ორგანიზაცია, რომელიც გაეროს ყველანაირ რეზოლუციას არღვევს, თვითნებურად იღებს გადაწყვეტილებებს.”



ალ.ჭავჭავაძის №54,
მე-5 სად. მე-4 სართული.
ქ.თბილისი, საქართველო,
0179

ტელ/ფაქსი: (+99532) 2 22 00 16

ელ.ფოსტა: info@mdfgeorgia.ge
mdfgeo@gmail.com

WWW.MDFGEORGIA.GE

მთავარი მიგნებები

დასაწყისი გვ. 1

- ეზი წარმოდგინა, მაგრამ არ უცდია გაერკვია, მხარეების არგუმენტების და ფაქტების სიზუსტე, გადაემოწმებინა გარკვეული ინფორმაცია, რაც მინიმალურ ძალისხმევას მოითხოვდა.
- სიმულვილის ენას კვლავ სექსუალურ უმცირესობათა და მათ უფლებადამცველთა (რეზო ამაშუკელი, პოეტი; თამარ ივერი, მომღერალი), ასევე ნაციონალური მოძრაობის წარმომადგენელთა (თამაზ თამაზაშვილი, პოლიციის გენერალი) მიმართ ჰქონდა ადგილი.
 - გაზეთმა “კვირის პალიტრამ” ყოველგვარი სარედაქციო კომენტარის გარეშე მოახდინა მომღერალ თამარ ივერის მიერ ფეისბუქის გვერდზე გამოქვეყნებული მიმართვის ტირაჟირება, რომელიც სიმულვილის ენას შეიცავდა და არასრულყოფილად ასახა განცხადების გამოქვეყნების შემდეგ განვითარებული მოვლენები.
 - ადგილი ჰქონდა რასისტულ (ხათუნა ბოკუჩავა, მსახიობი), ანტითურქულ (მედიაკავშირი “ობიექტივი”; თემურ შაშიაშვილი, “თეთრები”) გამოხატვას; ასევე გენდერული სტერეოტიპების ტირაჟირებას (თამაზ წივწივამე, მწერალი);
 - სექსუალური უმცირესობების თემა კვლავ დომინანტური იყო და იგი 17 მაისის მოვლენების კონტექსტში განიხილებოდა. ხდებოდა ჰომოსექსუალობის, როგორც ავადმყოფობის და მანკიერების წარმოჩენა; ასევე აზრის კულტივირება, რომ სექსუალურ უმცირესობებს არსებობის უფლება აქვთ, თუმცა ნაწილის აზრით, მათი გამოხატვის უფლება არის “პროპაგანდა” (სოსო ჯაჭვლიანი, ქართული ოცნება), რომელიც უნდა აიკრძალოს (დავით თარხან-მოურავი, პატრიოტთა ალიანსი; მედიაკავშირი “ობიექტივი”) ან ამ “პრობლემასთან” ბრძოლაში ეკლესია ჩაერთოს (ანი მიროტაძე, ქართული ოცნება). აქტუალურია ასევე სექსუალური უმცირესობების წარმომადგენლებისთვის, საჯარო სივრცის შეზღუდვის საკითხი (ანი მიროტაძე, ქართული ოცნება; გელა ნიკოლაიშვილი, ყოფილი პოლიტპატიმრები).

სამოქალაქო სექტორი

3 ივნისს საქართველოს დემოკრატიულმა ინიციატივამ (GDI), ადამიანის უფლებების სწავლებისა და მონიტორინგის ცენტრმა (EMC), საქართველოს ახალგაზრდა იურისტთა ასოციაციამ და კონსტიტუციის 42-ე მუხლმა გაავრცელეს ერთობლივი განცხადება, რომელიც სამთაწყაროში მუ - ს ლ ი მ თ ა ტ რ ა დ ი ც ი უ ლ ი პარასკევის ღოცვის ჩაშლას და ამ პროცესში ადგილობრივი და სამართალდამცავი ორგანოების ნეგატიურ როლს შეეხება. არასამთავრობო ორგანიზაციები მოუწოდებენ სახელმწიფოს, სათანადო სამართლებრივი რეაგირება მოახდინოს იმ პირთა ქმედებებზე, რომელთა ქცევა კანონით დაცულ სფეროს სცილდება.

<http://gdi.ge/?p=295>

ანტიდასავლური განწყობები

დასაწყისი გვ. 9

ობიექტივი, ღამის სტუდია, 3 ივნისი

ილია ჩაჩიბაია, წამყვანი: “ზაერთოდ ამე-რიკელები, როგორ უნდა გვაკრიტიკებდნენ მაშინ, როცა რამდენიმე ათეული წლის წინ ფერად კანიანებს ქუჩაში კლავდნენ და სამინელები ხდებოდა.”

<http://obiectivi.net/tv1.php?id=12235>

ობიექტივი, ღამის სტუდია, 4 ივნისი

ნინო რატიშვილი, წამყვანი: “სექსუალურ უმცირესობათა პრობლემა - აი, ეს არის დემოკრატია?! ერთსქესიანთა ქორწინება, აი, ეს არის თურმე საქართველოსთვის ევროპული დემოკრატია?!.. რატომ ვიღებთ ჩვენ ამ ევროპული დემოკრატიის შედეგად სწორედ რაღაც ისეთს, ისეთ რაღაცეებს გვთავაზობენ, რაც არ არის ჩვენს

